

Visoki predstavnik uspostavlja dodatne strukture kojim se jača vladavina prava

Visoki predstavnik Paddy Ashdown je danas donio dvije Odluke: jednom je imenovao direktora i zamjenike direktora BiH Agencije za informisanje i zaštitu, a drugom sedmočlani Odbor koji će rukovoditi izborom viših dužnosnika Ministarstva unutrašnjih poslova FBiH.

Visoki predstavnik je izvršio imenovanja nakon što odgovorne institucije nisu postigle saglasnost. Ova imenovanja su izuzetno važna za uspostavu struktura sa efikasnom mogućnosti borbe protiv organiziranog kriminala i korupcije u BiH, koje će osigurati bezbjednu sredinu za sve građane Bosne i Hercegovine. Visoki predstavnik je procijenio da građani BiH više sebi ne mogu priuštiti da i dalje čekaju na uspostavu tih institucija.

Visoki predstavnik je imenovao Sredoju Novića za direktora i Emira Bijedića i Dragana Lukača za zamjenike direktora BiH Agencije za informisanje i zaštitu sa liste koju je usaglasilo Vijeće ministara. Drugom odlukom Visokog predstavnika imenuje se sedam članova Neovisnog Odbora FBiH, nadležnog za rukovođenje izborom direktora policije i direktora službi uprave Ministarstva unutrašnjih poslova FBiH. Tih sedam članova su: Kemal Begović, Bajro Golić, Mensur Hadžimusić, Zoran Čegar, Dragoljub Tomić, Đorđe Mišeljić i Olivija Tešević. Ovih sedam osoba je izabrala Komisija za nominaciju i imenovanja Predstavničkog doma FBiH, ali njihova imenovanja nije potvrdio Predstavnički dom FBiH.

Obje Odluke Visokog predstavnika stupaju na snagu odmah.